



SPORTSKI SAVEZ OPĆINE TEŠANJ
Ulica Kralja Tvrtka broj 1. Tešanj
ID: 4218675190003
UniCredit bank: 3385502256143846
tel/fax: 032-942-359 mob:061-870-613
email: sportskisaveztesanj@hotmail.com
www.sportskisaveztesanj.ba



Na osnovu člana 8. stav 1. tačke 8. i člana 20. Statuta Sportskog saveza općine Tešanj, Skupština Sportskog saveza općine Tešanj na sjednici održanoj dana 23.03.2016 godine, na prijedlog Upravnog odbora donosi:

PRAVILNIK O IMENOVANJU I RADU KOMISIJE ZA NAGRADE I PRIZNANJA SPORTSKOG SAVEZA OPĆINE TEŠANJ

I. OPĆE ODREDBE

Član 1.

Ovim Pravilnikom utvrđuju se osnovni kriteriji i propozicije za imenovanje i rad komisije za dodjelu nagrada i priznanja za ostvarene rezultate rada i sportske uspjehe sportista, sportskih radnika i sportskih udruženja sa područja općine Tešanj.

Član 2.

Manifestacija „IZBOR SPORTISTE GODINE“ je javna, a vrši se na prijedlog klubova-udruženja koji su članice Sportskog saveza općine Tešanj. Sportske organizacije, klubovi i udruženja mogu predlagati svoje kandidate. Ukoliko klubovi nemaju kandidate mogu predložiti i druge kandidate.

Član 3.

Izbor sportiste godine je manifestacija na kojoj se saopštavaju rezultati koji su u toku godine postignuti u okviru službenih međunarodnih i domaćih sportskih takmičenja, a ima za cilj da afirmiše najviše vrijednosti sporta, a istovremeno rade na razvoju sporta i njegovih vrijednosti do najvišeg nivoa, a posebno u odgoju mlade populacije.

II. KOMISIJA ZA NAGRADE I PRIZNANJA

Član 4.

Komisiju za dodjelu nagrada i priznanja za ostvarene rezultate rada i sportske uspjehe sportista, sportskih radnika i sportskih udruženja sa područja općine Tešanj imenuje Skupština Sportskog saveza općine Tešanj. Svaka članica-klub koji pripadaju Sportskom savezu delegiraju jednog člana u radnu komisiju za dodjelu nagrada i priznanja.

Komisiju čini ukupan broj članova komisije u reciprocitetu 1:1 u odnosu na trenutni broj članica Sportskog saveza.

Svake izborne Skupštine imenuju se članovi komisije. Komisija ima mandat do naredne izborne Skupštine. Kvorum za punopravno odlučivanje čini natpolovična većina od ukupnog broja članova komisije. (npr. 26 članica, nadpolovičnu većinu čini 14 delegata).

Član 5.

Upravni odbor SSOT-a ima obavezu da svakog 15.11. tekuće godine svim članicama SSOT-a uputi pismeni poziv za dostavu prijedloga za izbor sportiste godine općine Tešanj po slijedećim kategorijama:

- 1. Najuspješniji sportista senior u muškoj i ženskoj konkurenciji,**
pojedinačni i kolektivni sportovi, max. 4 nagrade, dodjeljuje se veliki pehar i diploma.
- 2. Najuspješniji sportista junior u muškoj i ženskoj konkurenciji,**
pojedinačni i kolektivni sportovi, max. 4 nagrade, dodjeljuje se srednji pehar i diploma.
- 3. Najuspješniji invalid sportista,** max. 1 nagrada, dodjeljuje se srednji pehar i diploma.
- 4. Sportska nada općine Tešanj,** najmlađi perspektivni sportisti do 15 god. starosti,
max. 10 nagrada, dodjeljuje se mali pehar i diploma.
- 5. Sportski radnik općine Tešanj,** max. 3 nagrade, dodjeljuje se diploma.
- 6. Najuspješnija sportska organizacija,** max. 1 nagrada, dodjeljuje se diploma.
- 7. Najuspješniji trener,** max. 3 nagrade, dodjeljuje se diploma.
- 8. Sportski novinar općine Tešanj,** max. 1 nagrada, dodjeljuje se diploma.
- 9. Pedagog tjelesnog odgoja općine Tešanj,** max. 1 nagrada, dodjeljuje se diploma.
- 10. Lice sa najdužim stažom u sportu,** najmanje 25 godina, max. 2 nagrade, dodjeljuje se diploma.
- 11. Sportski događaj godine 2015,** max. 1 nagrada, dodjeljuje se diploma.
- 12. Mediji koji su dali doprinos razvoju sporta,** max 3 nagrade, dodjeljuje se diploma.
- 13. Specijalna priznanja za zasluge u razvoju sporta općine Tešanj,** max. 5 nagrada,
dodjeljuje se diploma.
- 14. Sponzori i pokrovitelji koji su dali svoj doprinos razvoju sporta,** max. 3 nagrade,
dodjeljuje se diploma.

Predsjednik UO SSOT-a ima pravo predložiti dodatna priznanja (max. 3 priznanja).

Maksimalni broj nagrađenih ne smije biti veći od 45 nagrada.

Klubovi-članice imaju obavezu da svoje prijedloge dostave najkasnije do 30.11. tekuće godine, nakon čega prijedlozi neće biti primani niti razmatrani na sjednicama komisije.

Radna sjednica komisije za nagrade i priznanja održat će se najkasnije krajem prve sedmice u mjesecu decembru tekuće godine.

Sjednice komisije priprema Upravni odbor SSOT-a.

Članovi komisije se pozivaju pismenim putem.

Radom komisije rukovodi predsjednik Sportskog saveza općine Tešanj.

Komisija donosi odluke glasanjem. U slučajevima kada se glasanjem utvrdi isti broj glasova „ZA“ i „PROTIV“, glas predsjednika je odlučujući.

Član 6.

Uspješnost sportista, sportskih radnika i sportskih udruženja utvrđuje se na osnovu:

- 1) postignutih plasmana pojedinaca i klubova na službenim međunarodnim i domaćim sportskim takmičenjima tokom jedne kalendarske godine,
- 2) rangulu takmičenja,
- 3) postignutim mjerljivim rezultatima rada sportskih radnika i sportskih udruženja,
- 4) sportskom fer-play i sportskom ponašanju na takmičenjima i mimo takmičenja,
- 5) broju takmičarskih selekcija i rezultatima rada sa raznim uzrasnim kategorijama takmičara,
- 6) ulaganju u infrastrukturu sportskih objekata,
- 7) načinu organizacije i rada sportskih udruženja,
- 8) obrazovanju i usavršavanju stručnih kadrova uz odgojno-pedagoški pristup u radu sa sportistima,

- 9) realizovanje informativnog sistema o sportskim organizacijama, sportistima, sudijama, sportskim radnicima i sportskim takmičenjima,
- 10) aktivnosti na zdravstvenoj zaštiti sportista,
- 11) programiranje, planiranje i realizacija politike i strategije razvoja sporta i tjelesne kulture,
- 12) organizovano, kvalitetno i dostojno prezentovanje općine Tešanj na nivou Kantona, Federacije, BiH i u međunarodnim takmičenjima.

Član 7.

Pod službenim međunarodnim i domaćim sportskim takmičenjima u ovom Pravilniku podrazumijevaju se, redosljedom njihova vrijednosna značenja:

1. Olimpijske igre,
2. Svjetska prvenstva, svjetski rekordi,
3. Svjetska KUP takmičenja,
4. Evropska prvenstva, evropski rekordi,
5. Evropska KUP takmičenja,
6. Univerzijada,
7. Mediteranske igre,
8. Balkanska prvenstva,
9. Internacionalna-međunarodna KUP takmičenja,
10. Balkanski KUP-ovi,
11. Prvenstvo BiH,
12. KUP-ovi BiH,
13. Prvenstvo F BiH,
14. KUP-ovi F BiH,
15. Kantonalna prvenstva,
16. Kantonalna KUP takmičenja,
17. Općinska prvenstva,
18. Općinska KUP takmičenja.

KATEGORIJE	I	II	III
01.Olimpijske igre	40	39	38
02.Svjetska prvenstva, svjetski rekordi	34	33	32
03.Svjetska KUP takmičenja	30	29	28
04.Evropska prvenstva, evropski rekordi,	26	25	24
05.Evropska KUP takmičenja,	23	22	21
06.Univerzijada	20	19	18
07.Mediteranske igre,	18	17	16
08.Balkanska prvenstva,	16	15	14
09.Internacionalna-međunarodna KUP takmičenja	14	13	12
10.Balkanski KUP-ovi,	12	11	10
11.Prvenstvo BiH,	10	9	8
12.KUP-ovi BiH,	9	8	7
13.Prvenstvo F BiH,	8	7	6
14.KUP-ovi F BiH,	7	6	5
15.Kantonalna prvenstva,	6	5	4
16.Kantonalna KUP takmičenja,	5	4	3
17.Općinska prvenstva,	4	3	2
18.Općinska KUP takmičenja,	3	2	1

Tabela broj 1.

Proglašenje najboljih sportista može biti po osnovu takmičarskog plasmana ili rekorda.

Plasmani sportista ostvareni na takmičenjima u skladu sa članom 7. Stav 1. ovog Pravilnika, vrednuju se redoslijedom kategorija od 01. do 18. u međusobnom odnosu plasmana i u sklopu svake kategorije.

U slučaju da više pojedinaca ili ekipa postigne iste plasmane iz sklopa jedne od kategorija 01. do 18. iz tabele broj 1. ovog Pravilnika, prednost ima pojedinac odnosno ekipa čiji sport je olimpijski sport odnosno disciplina.

Za sve postignute rezultate neolimpijskih sportova ukupan zbir bodova se umanjuje za 10% u odnosu na olimpijske sportove.

Neolimpijski sportovi koji imaju članstvo u Olimpijskom komitetu BiH u određivanju uspješnosti sportista i klubova imaju prednost u odnosu na neolimpijske sportove koji nemaju članstvo u Olimpijskom komitetu BiH. Spisak zvaničnih olimpijskih sportova čini sastavni dio ovog Pravilnika, kao i spisak neolimpijskih sportova koji imaju članstvo u Olimpijskom komitetu BiH.

Ako je više pojedinaca ili ekipa izjednačeno i nakon primjene bodovnog sistema prednost treba imati pojedinac, odnosno ekipa u skladu sa redoslijedom utvrđenog vrijednosnog značenja sportskih takmičenja u tabeli broj 1. ovog Pravilnika.

Član 8.

Najuspješnijim sportistom Općine Tešanj može se proglasiti:

1. Najuspješniji sportista senior u muškoj i ženskoj konkurenciji,

a) sportista i sportistkinja koji tokom kalendarske godine u pojedinačnom sportu postignu najvrednije pojedinačne plasmane u odnosu na sve ostale pojedince iz svog i drugih sportova.

b) pojedinac i pojedinka iz sastava sportske ekipe koja je postigla najvrednije ekipne plasmane u odnosu na ostale ekipe iz svog sporta i drugih sportova, uz uslov da je bio jedan od najistaknutijih pojedinaca u ekipi.

2. Najuspješniji sportista junior u muškoj i ženskoj konkurenciji,

a) sportista i sportistkinja koji tokom kalendarske godine u pojedinačnom sportu postignu najvrednije pojedinačne plasmane u odnosu na sve ostale pojedince iz svog i drugih sportova.

b) pojedinac i pojedinka iz sastava sportske ekipe koja je postigla najvrednije ekipne plasmane u odnosu na ostale ekipe iz svog sporta i drugih sportova, uz uslov da je bio jedan od najistaknutijih pojedinaca u ekipi.

Određivanje najboljih iz stava 1. i 2. ovog člana se vrši na osnovu obračunatog broja bodova iz tabele broj 1. ovog Pravilnika.

3. Najuspješniji invalid sportista, max. 1 nagrada, dodjeljuje se srednji pehar i diploma.

Sportista i sportistkinja koji tokom kalendarske godine u pojedinačnom i kolektivnom sportu postignu najvrednije pojedinačne ili ekipne plasmane u odnosu na sve ostale pojedince ili ekipe iz svog ili drugih sportova. Određivanje najboljih invalidnih sportista se vrši na osnovu obračunatog broja bodova iz tabele broj 1. ovog Pravilnika.

4. Sportska nada općine Tešanj, najmlađi perspektivni sportisti do 15 god. starosti, max. 10 nagrada, dodjeljuje se mali pehar i diploma. Sportske nade biraju se na osnovu pojedinačnih ili ekipnih rezultata tokom jedne godine u odnosu na sve druge pojedince ili ekipe iz svog ili iz drugih sportova. Određivanje najboljih „sportskih nada“ se vrši na osnovu obračunatog broja bodova iz tabele broj 1. ovog Pravilnika. Ukoliko broj bodova bude identičan komisija javnim glasanjem određuje izbor sportskih nada.

5. Sportski radnik općine Tešanj, max. 3 nagrade, dodjeljuje se diploma.

Sportski radnik općine Tešanj se bira na osnovu postignutih sportskih rezultata rada i angažmana predloženih kandidata tokom jedne kalendarske godine. Ukoliko je predloženo više od tri sportska radnika komisija javnim glasanjem određuje redoslijed izbora prva tri kandidata.

6. Najuspješnija sportska organizacija, max. 1 nagrada, dodjeljuje se diploma.

Najuspješnija sportska organizacija bira se na osnovu kriterija iz člana 6. tačka 1. ovog Pravilnika gdje se primjenjuje bodovni sistem iz tabele broj 1. a zatim komisija javnim glasanjem određuje izbor najuspješnije sportske organizacije na osnovu člana 6. tački od 2. do 12. ovog Pravilnika.

7. Najuspješniji trener, max. 3 nagrade, dodjeljuje se diploma.

Najuspješniji trener se bira na osnovu kriterija iz člana 6. ovog Pravilnika. Odluka se donosi javnim glasanjem članova komisije.

8. Sportski novinar općine Tešanj, max. 1 nagrada, dodjeljuje se diploma.

Odluka se donosi javnim glasanjem članova komisije.

9. Pedagog tjelesnog odgoja općine Tešanj, max. 1 nagrada, dodjeljuje se diploma.

Odluka se donosi javnim glasanjem članova komisije.

10. Lice sa najdužim stažom u sportu, max. 2 nagrade, dodjeljuje se diploma.

Nagrada se dodjeljuje kandidatima koji ispunjavaju slijedeće uslove:

- sportistima koji su u periodu aktivnog takmičenja postigli vrhunske sportske rezultate kako na međunarodnim, tako i na domaćim takmičenjima, bilo pojedinačno ili u okviru ekipe za koju su nastupali, a poslije prestanka aktivnog takmičenja proveli najmanje 10 godina kao aktivni društveno-sportski radnici u organizacijama i organima sporta općine Tešanj;
- društveno-sportskim radnicima koji su najmanje u periodu od 20 godina aktivno djelovali u organizacijama i organima sporta općine Tešanj, i na taj način značajno doprinjeli razvoju, unapređivanju i omasovljenju sporta i tjelesne kulture u Tešnju;
- stručnim radnicima (treneri, ljekari sportske medicine i sl.) koji su proveli najmanje 20 godina rada u organizacijama i organima sporta općine Tešanj i ostvarili izuzetno značajne i zapažene rezultate svjetskog, evropskog i državnog značaja.

Odluka se donosi javnim glasanjem članova komisije.

11. Sportski događaj godine, max. 1 nagrada, dodjeljuje se diploma.

Odluka se donosi javnim glasanjem članova komisije.

12. Mediji koji su dali doprinos razvoju sporta, max. 3 nagrade, dodjeljuje se diploma.

Odluka se donosi javnim glasanjem članova komisije.

13. Specijalna priznanja za zasluge u razvoju sporta općine Tešanj, max. 5 nagrada, dodjeljuje se diploma. Odluka se donosi javnim glasanjem članova komisije.

14. Sponzori i pokrovitelji koji su dali svoj doprinos razvoju sporta, max. 3 nagrade, dodjeljuje se diploma. Odluka se donosi javnim glasanjem članova komisije.

U svim slučajevima po gore naznačenim kategorijama nagrada i priznanja gdje nije moguće po broju bodova utvrditi pravičan redoslijed dodjele nagrada, primjenjivat će se glasanje članova komisije gdje će se nastojati dobiti usaglašen rezultat. Ukoliko se glasanjem dođe do istog broja glasova za dvije ili više predviđenih nagrada i priznanja za sportske uspjehe konačnu odluku donosi predsjednik komisije za dodjelu nagrada i priznanja.

Član 9.

O izboru i proglašenju najuspješnijih sportista Sportski savez općine Tešanj vodi posebnu evidenciju.

Član 10.

Prema zvaničnim podacima trenutno članstvo u Olimpijskom komitetu BiH imaju slijedeći olimpijski sportovi:

- Atletika
- Badminton
- **Biciklizam**
- Bob
- Boks
- **Fudbal**
- Skeleton
- Gimnastika
- Hrvanje
- Judo
- Kajak
- **Košarka**
- **Odbojka**
- Plivanje
- **Ragbi**
- Konjički sport
- **Rukomet**
- Sankanje
- Dizanje tegova
- Hokej na ledu
- Klizanje
- Skijanje
- **Stoni tenis**
- **Streljaštvo**
- **Tenis**
- Triatlon
- Vaterpolo
- Veslanje
- Golf

Članstvo u Olimpijskom komitetu BiH imaju slijedeći neolimpijski sportovi:

- Ronjenje
- Boćanje
- Specijalne olimpijade
- **Ribolov**
- **Šah**
- Vazduhoplovstvo

Član 11.

Sastavni dio ovog Pravilnika čini obrazac za kandidovanje-predlaganje ostvarenih rezultata rada i sportskih uspjeha sportista, sportskih radnika i sportskih udruženja sa područja općine Tešanj.

Prijedlog kandidata u svim kategorijama obrazlaže se na pomenutom obrascu sa svim rezultatima koje su postigli u tekućoj kalendarskoj godini (od 01.01. – 31.12.) sa ovjerenim listama rezultata (službeni zapisnici o takmičenjima ili ovjerenim kopijama diploma za ostvareni plasman).

Član 12.

Usvajanjem ovog Pravilnika od strane Skupštine Sportskog saveza općine Tešanj, na dan usvajanja prestaje da važi dosadašnji Pravilnik o nagrađivanju.

Tešanj, 23.03.2016. godine





SPORTSKI SAVEZ OPĆINE TEŠANJ
Ulica Kralja Tvrtka broj 1. Tešanj
ID: 4218675190003
UniCredit bank: 3385502256143846
tel/fax: 032-942-359 mob:061-870-613
email: sportskisaveztesanj@hotmail.com
www.sportskisaveztesanj.ba



MANIFESTACIJA "IZBOR SPORTISTE GODINE"

Obrazac za kandidovanje-predlaganje ostvarenih rezultata rada i sportskih uspjeha sportista, sportskih radnika i sportskih udruženja sa područja općine Tešanj

Junior		Kolektivni sport		M	Kontakt osoba:
Senior		Individualni sport		Ž	Broj telefona:

Znakom „x“ označiti polja u tabeli.

Upisati tražene podatke.

XXXXXX

(Ime i prezime kandidata, godina rođenja ili naziv Kluba)

XXXXXX

(Puni naziv kluba, adresa i sjedište)

XXXXXX

(Nagrada za koju se kandidat predlaže)

OBRAZLOŽENJE PRIJEDLOGA:

XXXXXXXX

NAPOMENA: Obavezno priložiti dokumentaciju koja potvrđuje navode iz obrazloženja:

1. Ovjerene liste rezultata koji su postignuti u tekućoj kalendarskoj godini (od 01.01. do 31.12.) ili službeni zapisnici o takmičenjima ili ovjerene kopije diploma za ostvareni plasman.
2. Fotografija (portret) od takmičara u digitalnom obliku - za individualne sportove.
3. Fotografija grba ili logotipa Udruženja-Kluba u digitalnom obliku i slika takmičarske ekipe- za kolektivne sportove.
4. Minimalno dvije digitalne fotografije sa terena (igralište, borilište ili drugi sportski teren)
5. Popunjen obrazac za kandidovanje-predlaganje ostvarenih rezultata rada i sportskih uspjeha sportista, sportskih radnika i sportskih udruženja sa područja općine Tešanj.

Navedene priloge dostaviti u elektronskoj formi na mail: sportskisaveztesanj@hotmail.com

Nedostavljanje tražene dokumentacije automatski eliminiše prijedlog za dodjelu nagrada.

Nepotpuna dokumentacija neće se uzeti u razmatranje.

MP

Potpis predlagača: